


Kumtluang

BU NGANA



Pawl-V Mizo

ZIRLAI 5

Punctuation

Punctuation chu dik tak leh nuam taka chhiar theih tura thu ziah dan a ni mai a; chawlhna tur chhinchhiahna chi hrang hrang a awm a; chung chhinchhiahnate chu punctuation mark tih a ni. Tuna chhinchhiahna kan zir tûr hi lehkhah chhiar apiangin a ziaktu sawi tum tak kan hriat chian theihna tur a ni.

1. Comma (,):

Comma chu rei lo te chawlhna turah an dah thin. Thu sawi emaw, thu ziah emaw tifah tûra thumal tihhran ngai leh tlema thu hlawm dang deuh chin tichiang tûra dâidanna a ni. Comma hmanna tlangpui chu henge hi a ni:

(a) Thil chi hrang hrang tihhran nan leh ‘te’ hmanga thu hrang hrang ziah khawm dawnin an hmang thin.

Entir nan: Chem te, tuboh te, perek te rawn keng teh. (‘te’ hnunung berah chuan comma dah a ngai lo.)

(aw) Thu chu kohna thu a nih chuan comma an dah thin:

Entir nan: Ka pu, i dam em?

Bawhte, lo kal lawk teh.

(b) Mi thu sawi, sawi chhawn lehna chhinchhiahna hman dawn chiahah comma dah zel tur a ni a, khung lêt leh dawnah pawh zawhna leh makna (? leh !) a awm te a nih loh chuan dah zêl tur a ni bawh.

Entir nan: Isuan, “Ka Pa, anni hi ngaidam rawh,” a ti a.

(ch) Lehkathawnah - kohna leh a tawp siamnaah:

Entir nan: Ka pu,

I rin tlak,

2. Tawpna (Full stop) (.):

Tawpna chhinchhiahna hi a hmanna tlangpui ber chu sentence tawpah a ni a, serial number leh roll number ding lam chiahah te, decimal point chinah te pawh hman a ni ve thin.

Entir nan: Ka ram ka hmangaih.

B.A., V.C.P., Y.M.A, U.N.O. Serial/Roll No. 1. 2. 3.

Decimal point 3.7

3. Zawhna chhinchhiahna (?):

Sap̄awng chuan Interrogation mark an ti a; Question mark tiin an sawi baw; a hming ang hian zawhna tawpah an dah ṭhin.

Entir nan: In dam tlang em?

I lo kal dawn lo vem ni?

Eng nge i tih dawn?

Min puih i tum maw?

4. Makna (!):

Hei hi makna chhinchhiahna tih a ni a, uarna chhinchhiahna a ni mah zawk. Rilru khawih tak thil lo thleng thut leh phurna tihlanna ṭawngkam tawpah an dah ṭhin. Mak tih viauah pawh an dah ṭhin baw.

Entir nan: Ka pass ve hlauh mai!

Awi ka nu, ka hlau lutuk!

Chu, thlipui a lo tleh ta!

E he! a va han mak ngai ve le!

5. Colon (:):

Thu sawi tur tak sawi hmaa a huap zau zawk - a tlangpui emaw a kalhmang emaw hmanga sawi hawnna tawpah colon hi hman ṭhin a ni.

Entir nan: Kum khata hunpui pali awmte chu: nipui, fur, favang leh thlasik an ni.

Chawk chhuak rawh: 6+(9-4)

Tlai dar 3:30-ah sikul kan bang.

A chang chuan a hma chiaha hawrawp dawtah ni kher lovin hetiang te pawh hian an hmang ta.

Govt. Ainawn M/S result chu:

Exam beitu zat : 25

Distinction : 1

First Division : 4

Fail : 5

Pass Percentage : 80%

6. Khungna (“ ”):

Khungna hi mi thu sawi, an tawngkam ang taka sawi chhawn leh a niha an sawi chhawn chin chiah khungna a ni.

Entir nan: Arpuisentê chuan, “Tuin nge buh hi tuh ang?” a ti a. Ui chuan, “Kei chuan ka tuh lo vang,” a ti a.

7. Hyphen (-):

Hyphen hi thu pahnih zawmna leh daidanna a ni.

(1) Zawmna a nih dan: Thumal inzawm tur rêng ni si lo, zawm anga dah ngai si zawm nan. Tin, tlar khata thu leng kim lo a awmin a leng chin tawpa thumal chu zawm thin a niha a then a len loh chuan a zawm a la awm tih entir nan.

Entir nan: Mizo-Anglo, Kawl-vai, YMA-MUP thawh hona,

Independence day-ah Lalan lawm man a dawng.

(2) Dâidanna a nih dan: Foreign word leh a suffix te, figure leh a suffix te leh suffix avanga thu awmze phir nei thei chi a lo awmin ngaih sual a nih lohna tura a suffix chin dâidan nan.

Entir nan: London-ah, kum 2016-ah, January ni 15-ah luh leh tur.

TIH TURTE

1. Comma, fullstop, makna leh zawhna chhinchhiahna a tulna apiangah dah rawh.

(a) Lo kal la min pui rawh

(aw) Chaw i ei tawh em

(b) Lala te Thanga te Zova te an lo kal

(ch) Kal ve i tum na nge

(d) E khai a va mak em

(e) Isuan naupangte a hmangaih a, mal a lo sawm

2. Heng thute hi chhiar la, comma dahna tur apiangah dah rawh.

(a) Thil lei turte chu - purûn te aieng te hmarcha te sawhthing te a ni.

(aw) Duha hetah hian lo kal lawk teh.

(b) Khumi chu M.Sc. B.D. a ni.

(ch) A lo kal a chaw a ei a a haw leh ta.

(d) Doktor-in “Hlira hlau suh. I dam leh thuai ang” a ti.

3. Heng thu tawpah hian eng chhinchhiahna nge dah tur ni ang?

(a) Tukthuan ei a hun ta e

(aw) Ruah a sur i ring em

(b) Zirtirtuin a ko che a nia

(ch) Haleluiah! Amen

(d) Nang i chhâng tha em

(e) Chu! Lir a nghing

4. Hyphen dahna tur apiangah dah rawh.

(a) Kum 2002 ah Rome ah ka zin.

(aw) Ni 8 ah Xray in an en dawn.

(b) Roberta leh Janei an innei dawn.

(ch) A nupui chu Anglo Indian a ni.

(d) Director in, “Dar 10 ah lo kal rawh,” a ti.

5. Heng thute hi a hawrawp leh chhinchhiahna hman dan tihdik ngai lai apiang tidik rawh.

(a) Zâwngtê chuan “chawi zo tawh dim diam,” a ti a.

(aw) Exam tiṭha zualte chu Dinga te Mawii te Biaki te an ni.

(b) lalthanga fate chu rimawii te, rodinga te, didini te biaknia te an ni.

(ch) Mizoram luiah chuan chhimtuipui te tlawng te tuivai te hi a lian zual an ni.

(d) nilaini dawt chiah hi ningani a ni.

6. A hnuaia thute hi nalh takin ziaak rawh.

Hnathawh hi hlimna a ni.

Thawk lo chuan ei pawh ei suh se.

Mi rinawm hi an ngaihsanawm ber mai.

Rinawmna hi um zêl tûr a ni.

Taihmâk hi malsawm dawnna a ni.

Mi taima chu a tlachham ngai lo.

Mi zaidam chu an nun a hahdam.

7. Punctuation dah tûlna lai apiangah dah rawh.

Ngai teh u Pain min hmangaihna chu a va nasa êm Pathian faahte min vuah tak hi chutiang chu kan ni reng e

Table of Contents

1. [ZIRLAI 5](#)
2. [Punctuation](#)
 1. [TIH TURTE](#)